

Bosna i Hercegovina  
Federacija Bosne i Hercegovine  
Kanton Sarajevo

**Fond Kantona Sarajevo za izgradnju stanova**

za članove porodica šehida i poginulih boraca,  
ratne vojne invalide, demobilizirane borce  
i prognane osobe

**UPRAVNI ODBOR**

Sarajevo, 21. 8. 2025. godine

Broj: ZA-16/25

**ZAPISNIK**

**16. sjednice Upravnog odbora Fond Kantona Sarajevo za izgradnju stanova**

Mjesto održavanja sjednice: Prostorije Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe (u nastavku: **Fond**), Sarajevo, ul. Hivzi Bjelevca br. 54., VII sprat, sala za sastanke

Vrijeme održavanja: 21. 8. 2025. godine u 15,00 sati.

Prisutni članovi Upravnog odbora:

1. Jasmin Bešović – predsjednik Upravnog odbora;
2. Bernadin Hadžiabdić – član Upravnog odbora – ON-LINE;
3. Mirza Emirhafizović – član Upravnog odbora;
4. Mak Aganović – član Upravnog odbora – ON-LINE i
5. Amela Petrinić – članica Upravnog odbora.

Pored prisutnih članova Upravnog odbora, sjednici su prisustvovali:

1. Elvedin Lagarija – direktor Fonda;

Zapisnik vodi Muris Gazdić – sekretar Upravnog odbora Fonda.

Sjednicom predsjedava i rukovodi Jasmin Bešović, Predsjednik Upravnog odbora Fonda, koji:

- otvara 16., sjednicu Upravnog odbora Fonda;
- konstatira da sjednici Upravnog odbora prisustvuju gore navedeni članovi Upravnog odbora i lica kojima je od strane Upravnog odbora dozvoljeno prisustvo sjednici Upravnog odbora, naglašavajući da članovi Upravnog odbora Bernadin Hadžiabdić i Mak Aganović sjednici prisustvuju on-line putem aplikacije zoom,
- konstatira da Upravni odbor posjeduje kvorum članova Upravnog odbora za odlučivanje i
- predlaže Dnevni red kao u pozivu:

## DNEVNI RED

1. Usvajanje Zapisnika sa 15. sjednice Upravnog odbora Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe.
2. Informacija direktora Fonda o trenutnim aktivnostima Fonda.
3. Tekuća pitanja.

Upravni odbor jednoglasno usvaja predloženi Dnevni red.

### TOK SJEDNICE

#### **Tačka 1. Usvajanje zapisnika sa 15. sjednice Upravnog odbora Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce i prognane osobe** (u daljem testu: **Zapisnik**)

Predsjednik Upravnog odbora Fonda otvara 1. tačku Dnevnog reda sjednice. S obzirom da su materijali dostavljeni ranije kao i da su članovi Upravnog odbora upoznati sa sadržajem zapisnika, otvara raspravu po ovoj tački.

Kako članovi Upravnog odbora nemaju primjedbi na dostavljeni nacrt zapisnika, predsjednik Upravnog odbora isti daje na usvajanje.

Upravni odbor jednoglasno usvaja zapisnik.

#### **ZAKLJUČAK:**

Usvaja se Zapisnik o radu sa 15., sjednice Upravnog odbora Fonda Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilizirane borce od 23. 7. 2025. godine.

**Rezultat glasanja: jednoglasno.**

---

#### **Tačka 2. Informacija direktora Fonda o trenutnim aktivnostima Fonda.**

Predsjednik Upravnog odbora otvara drugu tačku dnevnog reda i riječ daje direktoru Fonda.

Direktor Fonda, prezentira Upravnom odboru trenutne aktivnosti u Fondu, a potom poseban osvrt daje na trenutne aktivnosti projektiranja objekata Bijeli dvor koji će Fond graditi na Ilidži informirajući Upravni odbor da je za navedeni objekat obezbjeđena urbanistička saglasnost, te da se pristupilo izradi glavnog projekta.

Potom direktor informira Upravni odbor o završnoj fazi izgradnje objekta u Ilijašu, te da su u toku aktivnosti na pripremi tehničkog prijema.

U daljem izlaganju iznosi problematiku koja se odnosi na planirano kreditno zaduženje iznoseći da ukoliko se ne donese novi pravilnik na vrijeme postoji

mogućnost da uopće ne dođe do realizacije ovog kredita što bi u mnogome usporilo i otežalo planirane investicije.

U kratkoj raspravi koja je uslijedila nakon prezentiranja informacije od strane direktora Fonda, članovi Upravnog odbora izražavaju zadovoljstvo i prezentiranom informacijom i tokom trenutnih aktivnosti u Fondu.

Predsjednik Upravnog odbora nakon okončanja rasprave predlaže ostalim članovima Upravnog odbora da prezentiranu informaciju prime i znanju.

### **ZAKLJUČAK:**

Prima se k znanju informacija direktora Fonda o trenutnim aktivnostima Fonda.

**Rezultat glasanja: jednoglasno.**

---

### **Tačka 3. Tekuća pitanja**

U okviru tačke tekuća pitanja nije bilo prijavljenih tema.

---

Sjednica upravnog odbora je završena 21. 8. 2025. godine u 16,30 sati.

Zapisnik vodio:

.....  
~~Muris Gazdić~~

